

— 14 —

Da vugale ar c'heriou braz,
An heol tomm, an avel graz
Ha bolz an nenv livet e glaz.

— 15 —

Ha bezit sonj en dud en oad
O tont o vont a-dreuz ar c'hoad;
Renevezit enno ar gwad.

— 16 —

D'an diavezidi o tremen,
Da goz ha yaouank o pourmen,
Eun tal onest ha diroufen!

*
**

— 17 —

Bihan pe vraz eo hon leve,
Holl omp bugale da Zoue;
Bevomp evel breudeur neuze.

— 18 —

Hag e vezimp, holl asamblez,
Santegiz ha tud digenvez,
Bugale garet ar Werc'hez!

Aotre da voulla
Kemper 27-6-1970
V. FAVÉ
Eskob skoazeller

Sul an Dreinded 1970
F. GUIVARCH
Beleg

Kantik I. V. ar Mor evit CHAPEL AN DOSENN

e SANTEC

War doun : "Peger kaër ez eo Mamm Jezuz"



DISKAN

D'ho chapel goant, gwerc'hez Vari,
Ni a zired d'ho saludi;
Aman ni 'gav peoc'h ha dudi.

— 1 —

Feiz Santegiz hag o c'hwezenn
O deus savet ar japel wenn,
Dirak ar mor, war an Dosenn.

— 2 —

Eul lilienn, a zo dalc'hmat
O strevi gened ha c'houez vat;
Nag eo plijuz an taol-lagad!

— 3 —

War gern an tour, ar Groaz karet
A laka sao en hor spered,
Warzu an nenv dreist ar stered.

Pa glevomp tint ar c'hloc'h bihan,
Ni a gar ober eun ehan,
Eur bedennig ni a vouskan.

*
**

War an douar ne c'hell an den
Beva diwar bara hepken,
Ar galon a ve sec'h ha yen.

Aman bep sul en ho chapel
Ni 'gar daoulina, Mamm zantel,
Astennet warnomp ho mantel.

Dre ar beleg, war an aoter,
E tiskenn Jezuz hor Zalver,
Trugarezuz ouz ar pec'her.

Trugarezuz ha pinvidik
D'an den ankeniet, reuzeudik,
Digor e galon birvidik.

Bep sul aman komzou Doue
A daol o had en hon ene;
Arabad e varvjent goude!

*
**

O mamm dener, kreskit hor feiz,
Lakit karantez en hor c'hreiz,
Distroit ar bec'herien geiz.

D'an den a vor, m'en do boued,
Lakit pesked en e roued,
Ar re gaerra zo bet krouet.

Da zrevajou den an douar,
Glizenn an nenv, ezenn glouar
Ha bizin druz leiz an alar.

Da bôtr Bro-Zaoz war an ougnoun,
Roit yec'hed ha nerz kaloun,
Digemer mat gant ar Zaozoun.